

〔讀史餘論〕六十三代冷泉より、圓融花山一條三條後一條後朱雀後冷泉、凡八代百三年の間は、外戚權を專にす。變

〔日本外史〕外史氏曰、王權之移於武門、始於平氏、成於源氏、而基之者藤原氏也。略○中其擅政始於文德云、然余謂藤原氏驕專、其來久矣、非獨始於文德時也、鎌足助天賀、効力王室、其子不比等、爲四朝元老、文武聖武並娶其女、而孝謙其外孫女也、而皆淫縱、惠美押勝、嬖於孝謙、殆危國家、實不比等孫則其家法可知也、其後光仁、桓武、仁明、獨不出於藤原氏、而自平城以下、至於文德、又皆其出、文德外祖左大臣冬嗣、爲不比等四世孫、冬嗣之子良房、又納女文德生清和、文德欲立長子惟喬、而憚良房遂立清和、則藤原氏之威懾人主、非一日又可知也、清和生九歲卽位、良房以外祖攝政、其子基經、廢陽成立光、孝關、白萬機、攝關之號始此、基經二子時平、忠平、忠平攝政於朱雀之朝、與其二子實賴、師輔並列三公、於是乎有天慶之亂、冷泉二弟爲平守平、村上欲立爲平爲冷泉儲貳、而實賴等以其非藤原氏出沮之、而立守平、是爲圓融、於是乎有安和之變、師輔三子、曰伊尹兼通兼家、兼家三子、曰道隆、道兼、道長、皆兄弟爭政、伊尹女生花山、兼家女生一條、故兼家令道兼、賺花山遜位、而以一條代之、是其最甚者也、後一條而下三帝、皆道長女所生、是其最極寵榮者也、道長二子賴通、教通、相繼執政、而賴通生師實、師實生忠實、忠實疎其長子忠通、而愛少子賴長、於是乎有保元之禍、忠通三子、基實、基房、兼實、基實生基通、基房生師家、兼實生良經、更執朝政於源平之際、其論議可觀者、獨有兼實他充位而已、其後一姓分爲五派、更爲攝關、而其進退皆不復關天下事、不足錄也、總之良房而下、奕葉秉鈞、大抵務營私門、不以國家休戚經心、而當其爭權、父子兄弟且不相保、奔競從諛、舉朝成風、宜乎大亂之基於是、而其終與王室俱衰共頹、徒存空名、不可不哀邪、

○按ズルニ、藤原氏ノ常ニ帝室ノ外戚タルコト、數十代千年以上ニ涉レリ、故ニ其本宗支屬ノ相關聯セルモノ遽ニ認メ易カラズ、故ニ今略系ヲ造リ、以テ讀者ニ便ス、然レドモ鎌倉幕府以